

光緒三十年<sup>三</sup>丁未

鎮原縣知縣鄭州宗運貢牧九記

甘肅鎮原縣鄉土志

鎮原縣鄉土志

歷史

未置本境以前

唐虞

雍州屬 平涼府志鎮原禹貢雍州屬邑

夏

戎翟 括地志寧原慶三州皆古西戎地也后稷子不密居之

商

昆戎 宋山川記安定昆戎舊壤

周

彭戎國 武王十三年盧彭人從王東伐紂考書蔡傳盧彭在周西北周都岐山今盧在其西邑東彭原彭陽在周之北即古彭戎國境

春秋戰國

義渠戎地 杜氏通典隴西北地上郡皆義渠戎地

秦

北地郡屬 史記報王四十五年秦滅義渠置隴西北地上郡

漢

安定郡 一統志安定漢之郡名西漢治高平東漢治臨涇



晉

安定郡 治臨涇 晉地理志漢置晉因之

隋

平涼郡 治平高 隋地理志舊置原州後周天和四年置總管府大業初州廢

置郡

唐

原州平涼郡 治平高 唐地理志本隋平涼郡武德元年平薛仁果置乾元元年復為原州古唐詩注原州唐屬關內道今平涼府鎮原縣是

五代

原州 初治臨涇後治平高

宋

原州 治臨涇 鎮戎軍駐平高宋地理志本原州平高縣地至道三年建為軍

元

鎮原州 即今治 元地理志唐原州又為平涼軍宋因之元改鎮原州以鎮戎之

東山三川二縣來屬至元七年例併州縣遂以臨涇彭陽東山三川四縣入本州平涼府志金改鎮戎軍為州又置原州元併為鎮原州

既置本境以後

明

國朝

鎮原縣治即今明地理志明初原州洪武二年降縣隸慶陽府後改屬平涼府

鎮原縣沿舊仍屬平涼府乾隆四十二年改屬涇州

政績錄

興利

北周

竇熾字光成平陵人廢帝元年除大都督原州刺史抑挫豪右申理幽滯每親巡畝勸民耕桑在州十年甚有政績

五代

王殷大名人晉天福中徙原州刺史事母孝政有小失母責之殷即愴惶政以善聞

明

徐鏞字用和湖廣武昌人舉進士授監察御史以直諫於成化二十一年謫知鎮原值歲稔召還流移煮粥以濟尋大疫命醫調治全活無數嘗築預備倉獲窖錢甚廣一無所取用代輸民欠餘則糴預備倉糧脩城樓新學宮立社學創建養濟院朽不堪用者鑄為器以供祭祀又奏割荒糧萬餘石捐俸造水車百輛教民灌田民立祠祀之王之屏滄州人嘉靖三十四年升任鎮原會歲稔設法賑濟施藥療疾

民感其德立碑志之

馬呈圖內江舉人任鎮原以撫綏為已任法令嚴明政事寬厚民立生祠祀焉

陳遇文字道周山西安邑人由進士任鎮原興教化恤梵獨歲壬午旱延全陝懇請上官分賑次年春巡郊野廉民無耕牛者給之時大疫給藥調治丙午又旱時公已督鹺兩淮聞之捐俸以贖邑人建祠祀焉

李槃字用甫浙江餘姚進士萬曆十九年任鎮原補南河崩城之缺增北山舊城之削重建公廨再理學宮教民織褐種樹善政居多邑人德之

### 國朝

崔應鳳直隸霸州人順治二年任鎮原時當喪亂之後邑治圯墟僑治城南黃家岔堡招撫遺民請豁免荒糧百姓漸次復業其政績為開國第一

甯世延山西聞喜進士康熙三年任鎮原先是縣南城河水冲崩詳請於正街南截築新城一道並建衙署於今治

錢志彤字賡臣江南丹徒進士康熙五十四年知鎮原歲荒旱請於上官發倉減糶民賴以生又躬詣太陽湫泣禱三日而雨遂以有秋

謝閻祚字悅如浙江濤山進士乾隆十七年任鎮原能文善詩莅任時業已白首課士勤勤懇懇儼老師宿儒訓民以循分守已為宗輿情協服

廖浦明字曉東四川富順人莅任時城鄉灰燼僑居南關黃蛟岔堡招流亡賑困乏檢枯骨脩衙署培城垣散籽勸耕課士通商輕征薄賦經營草昧民愛之如父母焉

劉玉衡山東下武城舉人甫到任即率紳士重建大成殿及牆垣春秋裡祀始不慘目又崇文教勤課訓衡裁詩文可稱宗工

劉遠源字子培四川人奉札清賦念邑境寒廓而山坡居多勘丈款巨民力難支飭各甲紳耆戶首按前任單載數目令各甲據實原額免其勘丈以示矜恤委僚屬紳士等以專責成半載間報有成數未墾荒地議作十年加征是亦不負國下不累民

去害

前漢

王尊字子贛涿郡高陽人以高第擢安定太守正身率下明示以法勅掾屬各砥礪輔治先論籍五官掾張輔奸贓百萬威震郡中盜賊消散

北史

宇文泰武川人孝昌中平万俟醜奴以直閣將軍行原州事時百姓凋殘泰撫以恩信民皆悅服

### 北魏

侯莫陳崇字尚樂代郡武川人万俟奔高平崇逐北至涇州單騎入賊中擒醜奴獲其衆封臨涇侯

### 隋

趙軌河南洛陽人好學有行檢授原州總管司馬在道夜行其左右馬逸入田中暴人禾軌駐馬待明訪其主酬值而去原人吏聞之莫不改操

### 唐

郝玼涇原戍將貞元中鎮臨涇元和三年築臨涇城十三年充涇原節度使封保定郡王守邊三十年每戰輒勝蕃人畏之如神每呼其名以怖啼兒

### 宋

李繼和字同叔咸平中築鎮戎城 事詳宋史

曹瑋字寶臣靈壽人彬之次子太宗時知鎮戎軍屢立奇功 事詳宋史

折可適克行從子知鎮戎軍以步兵八千破元昊衆十萬 事詳宋史

景泰字周卿普州進士知寧州任福敗徙原州以五千兵破元昊  
衆於彭陽西斬首千餘級以功知鎮戎軍事詳宋史  
王仲寶字器之高密人天聖初知鎮戎軍破康奴等族事詳宋史  
种師道字彝叔累官涇原都鈐轄通判原州夏人侵定邊築佛口  
城率師禦之事詳宋史

元

按竺邇女真雍古氏從太祖西征降原州降民夜亡衆韃韃以民  
叛欲誅之竺邇不嗜誅戮存活甚多事詳元史

國朝

宗書字義六江南興化進士康熙十九年任鎮原冬方山賊起亟  
請駐防邑人怨焉明年賊陷環縣戕官屠民邑以有備無患民  
始德之

聽訟

隋

元褒河南洛陽人開皇二年徙原州總管有商人為盜所劫疑同  
宿者褒察其誣遂捨之商詣闕訟褒受金縱賊帝遣使窮治褒  
引咎無異詞遂免官盜尋發他所帝諭之曰卿舊人且非善事  
何自誣對曰臣受委一州不能止盜臣罪一也百姓為人所誣

國朝

不付法司即放免臣罪二也不存形迹至今為物議所疑臣罪三也負此三罪何所逃責臣復不言受賄恐縲絏橫及良善重臣之罪帝歎異稱為長者

吳一夔江西樂平人於順治十三年任建立縣於北山城窩刑清政簡聽斷精明邑人至今頌之

姚試字以功徽州歙縣人雍正八年任鎮原年少明敏聽斷如神由是人莫敢欺訟亦衰息莅任七載豪強斂迹盜賊屏息兼署涇環二邑晝夜來往人莫之測而卒無廢事三邑之民咸頌之

趙與鴻字常一江西南豐進士乾隆六年任鎮原聽訟不尚刑威曲導以義與稍識字義者即分別優待由是人勉於學農皆知書去之日行李惟詩書數卷邑人思之為建祠祀焉

易文基字芝田湖南長沙人由翰林院檢討於乾隆三十五年改知鎮原有富民被盜扳將破產廉其誣雜人隊中令盜識之盜果誤遂獲釋偶從平郡歸路逢趕羊夫識為盜令捕之次日失羊者亦至果盜也無宿訟每聽則連牒環跪耳聽手披移時畢判不妄一人在任三載棍徒斂迹賭盜屏絕邑人戴之若父母去之日垂涕泣而祖者數千人並建生祠祀焉

胡紀謨號息齋直隸通州舉人乾隆四十七年任鎮原性直率不諂事上官誠於愛民而嚴於懲惡每遇訟虛心剖斷不事鞭朴無不引咎退息恥於犯法

左壽棠字子謙湖南長沙人舉人大挑於同治十一年任鎮原外嚴內寬奸人斂跡創置書院勤課士子又奉散牛隻力田者始有起色嚴查奸丁蠹役每判斷詞訟先問兩造費錢若干迄今傳為美談

### 兵事錄

全在本境者

### 漢

光武建武元年盧芳據安定自稱西平王六年冬馮異擊破之事  
詳芳傳

和帝永元十四年安定降羌叛郡兵擊滅之見西羌傳

安帝永初元年安定降羌麻奴叛見西羌傳

桓帝延熹五年羌復反安定中郎將皇甫規擊破降之事詳規傳

### 晉

安帝義熙十三年春正月秦安定守將姚恢反伏誅

### 元魏

太平真君七年安定胡劉超反魏長安鎮將陸俟擊斬之  
宣武正始三年涇州民陳瞻聚眾稱王魏將軍元麗大僕卿楊椿  
討平之

正光五年夏四月高平敕勒胡琛反魏將盧祖遷擊破之事詳細目  
孝明帝孝昌四年六月高平鎮人万俟醜奴稱帝

孝莊帝建明元年魏遣都督爾朱天光討万俟醜奴夏四月獲之  
遂克高平秋七月醜奴黨万俟道洛襲破原州殺守將長孫邕  
利天光討平之詳魏書李賢傳

### 隋

煬帝大業十二年安定荔非世雄殺臨涇令舉兵作亂自號將軍

### 唐

太宗貞觀元年燕郡王李藝據涇州反涇州統軍楊岌討誅之事  
詳新唐書

德宗建中元年劉文喜據涇州作亂詔朱泚李懷光討之伏誅事  
詳細目

### 宋

仁宗天聖三年原州屬羌叛環慶都監趙士隆死之

高宗紹興元年張中伏以原州李彥琦以鎮戍軍叛降金三十二

國朝

年春二月姚仲遣將復鎮戎軍並復原州三月金人犯鎮戎軍  
攻原州四月姚仲遣兵救原州五月及金人戰於九龍泉敗績  
金人屠原州事詳宋史

康熙十九年冬環縣賊鄧萬才烏合鎮原賊耿飛馬玉等作亂二  
十二年遊擊柳生甲率玉泉營防兵擊滅之  
涉及本境者

周

宣王元年獫狁入寇命尹吉甫伐之於太原

漢

文帝十四年匈奴入寇至彭陽遣將軍張敖擊之

更始元年隗囂起兵應漢攻殺安定大尹王向事詳囂傳

光武建武元年禹將馮愔反隗囂逆擊破之於高平事詳囂傳  
建武二年春赤眉入安定事詳劉盆子傳

建武七年秋隗囂寇安定馮異率諸將拒之事詳囂傳

建武八年春命來歙討隗囂囂遣將塞雞頭等道帝自將征囂進  
軍高平第一囂衆降囂奔西城吳漢引兵下隴安定復陷於囂  
九年春囂死于純降安定平事詳囂傳

建武十年秋高峻擁兵據高平第一城帝親征至沂高峻降事詳  
寇恂傳

安帝永初六年西羌圍安定征西將軍任上將諸郡兵擊之敗績  
七年夏騎都尉馬賢校尉侯霸擊零昌羌於安定破之詳西羌傳  
安帝永初四年冬馬賢進軍北地擊狼莫羌於安定青石岸敗績復  
與任上會兵高平進擊於富平河上大破之安定羌平詳西羌傳  
順帝永建六年馬賢與羌戰敗沒於安定射姑山事詳通鑑  
靈帝建寧元年春將軍段熲擊羌於高平大破之東羌平事詳熲傳

## 晉

穆帝永和八年秦苻健稱皇帝攻陷安定諸城

孝武帝太元九年姚萇起兵北地稱秦王安定諸郡降於萇

太元十四年秦主登擊安定後秦主萇襲破其輜重秦后毛氏死  
之十六年冬秦主登攻安定後秦主萇擊敗之十七年秋秦主  
登逼安定後主萇拒却之事詳細目

安帝元興元年魏襲沒奕干於高平沒奕干及劉勃勃奔秦義熙  
三年赫連勃勃叛秦襲殺奕干於高平自稱大夏天王七年春  
秦王興以其子弼鎮安定夏攻秦安定克之十二年春秦復取  
安定十三年夏人進據安定十四年夏人自安定遣兵陷長安

勃勃稱皇帝

元魏

太武帝始光四年安定降魏神慶元年魏人進軍安定執夏主昌以歸赫連定稱帝於平涼魏人追之敗績二年魏主襲平涼夏主與戰敗績四年吐谷渾執定送於魏魏人殺之事詳細目

明帝正光五年魏秦州莫折大提反陷高平大提死于念生代領其衆魏遣兵討之事詳細目

孝明帝孝昌元年魏行台蕭寶寅都督崔延伯討莫折天生敗之隴東平

隋

文帝開皇元年大將軍韓僧壽擊突厥於雞頭山

唐

高祖武德元年夏薛舉寇涇州秦王世民與戰於高墪敗績秋薛仁果圍涇州守將劉感死之冬世民破仁果仁果降命斬於市

事詳細目

代宗廣德元年冬吐蕃寇涇州刺史高暉以城降事詳細目

德宗貞元四年春吐蕃求和請盟於原州以渾瑊為會盟使與吐蕃盟於平涼吐蕃劫盟又陷涇州連雲堡冬十月吐蕃城故原

州而屯之事詳細目

宋

仁宗康定元年元昊寇三川砦巡檢楊保吉死之事詳宋史

仁宗慶曆元年元昊寇渭州任福與戰於好水川敗死詳任福傳

慶曆二年秋元昊寇鎮戎軍涇原副總管葛懷敏會兵禦之敗死

於定川砦詳懷敏傳

英宗治平三年夏人寇涇原環慶經畧使蔡挺擊走之事詳細目

神宗熙甯三年夏人寇鎮戎軍三川砦巡撫趙普擊敗之

哲宗元祐二年夏人寇三川砦官軍敗之夏人復寇鎮戎軍

哲宗紹聖四年春涇原鈐轄王文振敗夏人於沒煙峽

哲宗元符元年夏人寇平夏城章策大敗之獲其將鬼名阿埋事

詳細目

徽宗崇甯二年夏人入涇原圍平夏城寇鎮戎軍四年夏人寇涇

原大掠鎮戎軍事詳細目

徽宗政和六年夏人寇涇原屠靖夏城

高宗建炎二年金婁室寇涇原經畧使曲端使吳玠擊之婁室敗

走事詳細目

高宗紹興十年金人寇涇州經畧使田晟破走之事詳宋史

明

洪武二年元將擴廓遣將韓札兒陷原州指揮陳壽陷沒是年將軍馮宗異破走韓札兒復原州事詳明史

武宗正德十年虜掠固原州至彭陽城遂東掠鎮原

世宗嘉靖元年北虜掠鎮原至邑城外並邑東南屯于鎮淺河鋪等處

莊烈帝崇禎五年甯塞逸賊與環慶諸寇屯鎮原之蒲河川三邊總督洪承疇總兵曹文詔擊破之事詳明史

明末環賊一斗谷據方山作亂

十五年冬環賊許申陷鎮原屯聚七晝夜搜掠俱盡馬總兵鐵將官受賂不戰而捷取良民首級以報是年環賊王老虎大掠鎮原

國朝

康熙十三年吳三桂之變平涼提督王輔臣等叛平慶州縣盡陷十五年内閣圖公海討平之

同治二年陝獨馬正河作亂流屯鎮原橫河川七年三月初九偷破縣城縣主率民兵擊走之四月初十復破縣城縣主魏公殉難督辦陝甘軍務左宗棠討平之

耆舊錄

事業

漢

皇甫規字威明安定朝那人為度遼將軍數上病求退不聽會反人喪至規越界迎之因令客密告并州刺史胡芳言規擅遠軍營當急舉奏芳曰威明欲避第仕途故激發我耳吾當為朝廷爰才何能中此子計也遂無所問時黨獄所染皆天下名士規自以西州豪傑恥不得與乃自上言臣前薦故大司農張奐是附黨也太學生張鳳等上書訟臣是為黨人所附也臣宜坐之朝廷不問時人以為賢全傳見後漢書

皇甫嵩字義真規之兄子也以平黃巾功拜左車騎將軍領冀州牧封槐里侯嘗奏請冀州田租以贍饑民帝從之百姓歌曰天下大亂分市為墟母不保兮妻失夫賴得皇甫兮後安居又溫恤士卒甚得眾情更有因事受賄更以錢物賜之吏懷慚凡前後上表陳諫有補益者五百餘事皆手書毀草不宣於外時人稱之全傳見後漢書

李恂字叔英安定臨涇人拜侍御史持節使幽州所過皆圖寫山川屯田聚落悉封奏上肅宗嘉之拜兗州刺史以清約率下遷